



永年縣志

胡景桂題籤

22.6213
3080-073
:2

Kodak Color Control Patches

Cyan

Green


Yellow

Red

Magenta

White

3/C



永年縣志卷八

戶口志

謹案康熙五十二年欽奉

恩詔徵收辦糧但據五十年丁冊定為常額雍正元年奉

旨畿輔丁役悉均於糧貧戶安枕游康衢而登春臺法良誼美


越千古而上之矣間者潢池盜起擾害閭井一時之蹈

義授命者何可勝數民戶宜稍見耗散而耕鑿恬熙幾

不改承平之舊豈非

國家培養之者厚而勤恤之者至歟嗚呼庶而富富而教

知縣事江陰夏龍銓續纂



固令之責也

康熙五十年人丁七萬五千七百五十九丁 五十五年編審新收人丁二千六百五丁開除人丁二千二百五十三丁 六十年編審新收人丁二千六百三十六丁開除人丁二千三百七十三丁 雍正四年編審新收人丁二千六百一十二丁開除人丁二千三百六十五丁 九年編審新收人丁六百九十七丁開除人丁四百九十一丁

乾隆元年編審新收人丁七百五丁開除人丁四百九十六丁 六年編審新收人丁三百八丁開除人丁一百七十六丁 十一年編審新收人丁四百一十六丁開除人丁二百六十七丁 十六年編審新收人丁三百三十二丁開除人丁二百一十二丁 二十一年編審新收人丁二百五十七丁開除人丁一百三十五丁 以上節年編審收除實共人丁七萬七千五百五十二丁內除自康熙五十五年後

盛世滋生補剩餘丁一千七百九十三丁欽奉

恩詔

永不加賦外實在人丁七萬五千七百五十九丁再除紳衿優免本身丁一千八百八十六丁實在人丁七萬四千六百七十三丁內分三等九則

上則無

中則 中上無 中中一丁每丁徵銀四錢五分五釐

中下十七丁每丁徵銀三錢八分

下則 下上五十九丁每丁徵銀三錢 下上八丁每

丁徵銀五錢八分一釐九毫五絲三忽八微 下中三

十九丁每丁徵銀二錢 下中五十四丁每丁徵銀三

錢八分七釐九毫六絲九忽二微 下一百九丁每

丁徵銀一錢 下下九十九丁每丁徵銀一錢九分三

釐九毫八絲四忽六微

行差人丁七萬四千二百八十七丁每丁徵銀一錢各

則徵銀不等共徵丁銀七千五百十六兩八錢二分五

釐四毫四絲二忽六微雍正二年攤入地糧銀內徵收

自編審久停歲終各州縣類上保甲戶口清冊惟期民

數有稽無關糧役之事茲錄近三年戶口於左


同治十二年五萬五千三百四十四戶男女大小二十

三萬一千九百四十七丁口 十三年五萬五千三百

四十四戶男女大小二十三萬一千九百四十七丁口

光緒元年五萬五千三百四十四戶男女大小二十三

萬二千四百二十丁口



永年縣志卷九

知縣事江陰夏諭鍾續纂

學校志

讀前志學校志竊有惑也尊崇之典備於我

朝稟承

睿裁一洗封王太師之陋顧首列隋唐以降何哉下吏奉行

經制非若沿革古蹟事資援證舉燭火以擬日月可謂

味尊王之義者矣且尼父之誅褒成之封亦應先之二

千年來可勝載乎舉一漏百轉滋窒礙又若文武生員

籍名學校宜載反畧皆不免夏蟲之疑者也茲用鄙意

釐正以質後之君子祀典營建及書院義學並仍舊存
之先賢從祀本末則分注各位下云

文廟元以前在城東北明洪武十一年知縣陸禮徙建縣
治西今因之宏治八年知縣王鐸重修正德九年知府
華津嘉靖間署知府牛沈度知縣沈銓署知縣張九一
知縣朱泰相繼增修萬曆中知縣張鳳翔李宜培屢修
崇禎間知縣張毓泰又大修之

國朝順治八年知縣王報春十四年知縣余維樞修康熙
五年知縣王家楨修七年知縣梁炳宸十年知縣朱世
緯修雍正間知縣侯可大乾隆二十一年知縣孔廣棟

修道光十二年知縣彭玉雯陶金殿相繼大修同治十

二年知縣王鏞補修光緒二年知縣夏詒鈺重修

順治二年定

至聖先師孔子諡每歲春秋仲月上丁致祭各府州縣以正
印官主祭教職分獻先一刻教管祭啟聖祠康熙二十
五年

御製

至聖先師孔子序贊蓋自三才建而天地不居其功一中
傳而聖人代宣其蘊有行道之聖得位以綏猷有明道之
聖立言以垂憲此正學所以常明人心所以不泯也粵稽
往緒仰遡前徽堯舜禹湯文武達而在上兼君師之寄行

道之聖人也孔子不得位窮而在下兼刪述之權明道之聖人也行道者勲業炳于一朝明道者教思周于百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師兼統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型

道不終晦秩然大經百家紛紜殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖邇源洙泗景躅唐虞載歷庭除式觀禮器摛毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱高數仞夫子之堂孰窺其藩孰窺其徑道不遠人克念作聖二十七年頒

御書

萬世師表匾額定文廟舞儀祭品各州縣籩八豆八舞用

六佾二十八年

御製顏子贊聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用舍行藏王佐之器

曾子贊洙泗之傳曾以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓詞

子思子贊於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子贊哲人旣萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

定文廟樂舞規用八數歌章四人樂生二十二人執麾一人引節一人舞生三十六人合六十四人四十一年

欽頒御製四書文四十九年奉

特旨春秋二丁武職與祭雍正元年奉

特旨學宮內建忠義節孝祠

欽頒生民未有匾額三年頒加增祭品祭器禮樂器圖冊加封

孔氏五代王爵更名啟聖祠曰崇聖祠乾隆三年頒

御書與天地參匾額六年頒

欽定四書文七年

欽頒學政全書 學宮備考嘉慶元年頒

御書聖集大成匾額道光元年頒

御書聖協時中匾額咸豐元年頒

御書德齊幃載匾額同治元年頒

御書聖神天縱匾額

大成殿五楹中祀

至聖先師孔子祭品帛一白色牛一羊一豕一登一劔一簋

二簋二籩十豆十酒罇一白磁爵三東西列四配位

復聖顏子唐武德四年配享 述聖子思子宋元豐七年從祀

宗聖曾子唐開元八年從祀

亞聖孟子宋元豐七年從祀咸淳九年定

四配享位元至順元年加封復聖 祭品帛各一白色豕

一羊一劔二籩八豆八酒罇一白磁爵三旁列東西十

二哲位

閔子損唐開元十二年列十哲 冉子雍同上

端木子賜同上 仲子由同上

卜子商同上 有子若乾隆三年升列十哲

冉子耕唐開元十二年列十哲 宰子予同上

冉子求同上 言子偃同上

顓孫子師宋咸淳元年列十哲 朱子熹宋淳佑元年從祀國朝康熙五十四年

升列祭品東西帛各一白色豕各一每案劔各一簋各一
十哲 一簋各一籩各四豆各四豕首一白磁爵三

東廡從祀先賢四十位先儒三十三位

公孫僑咸豐七年從祀林放雍正二年復從祀原憲唐開元七年從祀南宮

适同商瞿上漆雕開同司馬耕上梁鱣同冉孺上伯虔

上冉季同漆雕徒父上漆雕哆同公西赤上任不齊同

公良儒同公肩定上郭單同罕父黑上榮旂同左人郢上

同鄭國同原亢上廉潔同叔仲會上邾異同公西輿如上

同陳亢同琴張上步叔乘同秦非上顏魯同顏何上雍正

復從縣亶雍正二年從祀 牧皮同樂正克上萬章同周敦頤宋

佑元年程顥同邵雍上公羊高唐貞觀二十一年從祀伏勝同毛

亨同治二孔安國唐貞觀二十一年從祀后倉明嘉靖九年從祀許慎光緒

從祀鄭康成雍正二年復從祀范甯同陸贄上道光六年從祀 范仲淹熙

五十二歐陽修明嘉靖九年從祀司馬光宋咸淳元年從祀謝良佐道光

年從祀羅從彥明萬曆四十年從祀李綱咸豐元年從祀張栻宋景定

祀陸九淵明嘉靖九年從祀陳淳雍正二年從祀真德秀明正統二年從祀何

基雍正二年從祀文天祥道光二十一年從祀趙復雍正二年從祀金履祥同陳

浩同方孝孺上薛瑄明隆慶五年從祀胡居仁明萬曆十年從祀

羅欽順雍正二年從祀呂柟同治二年從祀劉宗周道光二年從祀孫奇逢道光

八年張履祥同治十一年從祀陸隴其雍正二年從祀

西廡從祀先賢三十九位先儒三十二位

遽瑗雍正二年復從祀 澹臺滅明唐開元二十年從祀 宓不齊同公冶

長同公哲哀 高柴同樊須 商澤同巫馬施 顏辛

同曹卹 公孫龍同秦商 顏高同壤駟赤 石作蜀

同公夏首 后處同奚容蒧 顏祖同句井疆 秦祖

同縣成 公祖句茲同燕伋 樂欬同狄黑 孔忠同

公西蒧同顏之僕 施之常同申根 左邱明同秦冉

雍正二年 公明儀咸豐三年從祀 公都子雍正二年從祀 公孫丑同張

載宋淳佑元年從祀 程頤同穀梁赤 唐貞觀二十一年從祀 高堂生同董

仲舒明洪武二十八年從祀 毛萇唐貞觀二十一年從祀 村子春同諸葛亮

雍正二年 王通明嘉靖元年從祀 韓愈宋元豐七年從祀 胡瑗明嘉靖九年從祀

韓琦咸豐二年從祀 楊時明宏治八年從祀 尹焞雍正二年從祀 胡安國明正統二年從祀

年從 李侗明萬曆四十二年從祀 呂祖謙宋景定二年從祀 袁燮同治七年從祀

黃幹雍正二年從祀 蔡沈明正統二年從祀 魏了翁雍正二年從祀 王柏同陸

秀夫咸豐九年從祀 許衡元皇慶二年從祀 吳澄乾隆二年復從祀 許謙雍正二年

從 曹端咸豐十年從祀 陳獻章明萬曆十年從祀 蔡清雍正二年從祀 王守仁

萬曆十二年 呂坤道光六年從祀 黃道周道光五年從祀 陸世儀光緒元年從祀

湯斌道光七年從祀 祭品兩廡帛各二 白色豕各三 羊各三 每

案簋一 盞一 邊四豆四 銅爵二

樂章春祭夾鐘為宮 倍應鐘起調 秋祭南呂為宮 仲呂

永平縣志 卷之九 學校 七

起調同治九年募取樂舞生六十四人續經捐資生息
作為春秋兩祭樂舞及增修禮器經費

咸平之章迎神

大哉孔子先覺先知與天地參萬世之師祥徵麟紱韻
答金縵日月既揭乾坤清夷

甯平之章初獻

予懷明德玉振金聲生民未有展也大成俎豆千古春
秋上丁清酒既載其香始升

安平之章亞獻

式禮莫愆升堂再獻響協鼓鏞誠孚疊獻肅肅雍雍譽

髦斯彥禮陶樂淑相觀而善

景平之章終獻

自古在昔先民有作皮弁祭菜於倫思樂惟天牖民惟
聖時若彝倫攸敘至今本鐸

咸平之章徹饌

先師有言祭則受福四海饗宮疇敢不肅禮成告徹母
疏母瀆樂所自生中原有菽

咸平之章送神

鳧繹峩峩洙泗洋洋景行行止流澤無疆聿昭祀事祀
事孔明化我蒸民育我膠庠

祝文惟

年歲次

月

朔越

日某省

某官某致祭于

至聖先師孔子曰惟

先師德隆于聖道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦于馨香

泮水膠庠益致嚴于邊豆茲當春秋仲祗率彝章肅展微

忱聿將祀典以

復聖顏子

宗聖曾子

述聖子思子

亞聖孟子配尚饗

崇聖祠舊在戟門東明萬厯間知縣耿鳴雷移于明倫

堂後就書樓舊址建後圯邑人胡鯉仍移建戟門東康

熙七年知縣王家楨教諭王九有重修

中祀

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

祭品五案帛五白色豕一羊一釧一簋二盞二邊八豆
八酒罇一白磁爵三旁列配位

孔氏孟皮 咸豐七年增列配位
顏氏無繇 唐開元二十年從祀

孔氏鯉 宋咸淳三年從祀
曾氏點 唐開元二十年從祀

孟孫氏激 明嘉靖九年定東西配位

祭品每案帛二白色豕首一簋盞各一邊豆各四豕肉

一方每位銅爵三

東西兩廡知縣王報春余維樞孔廣棣相繼重修從祀

五位

周輔成 明萬曆二十年從祀 程珣 明嘉靖九年從祀 蔡元定 同上

張迪 雍正二年從祀 朱松 明嘉靖九年從祀

祭品每案帛二白色豕肉一方簋盞各一邊四豆四每

位銅爵三

祝文惟 年歲次 月 朔越 日某省

某官某致祭于

肇聖王

裕聖王

詒聖王

昌聖王

啟聖王曰惟

王奕葉鍾祥光開聖緒聖德之後積久彌昌凡聲教所覃敷率尋源而溯本宜肅明禋之典用申守土之忱茲

居仲春秋聿修祀事以

先賢某某氏配尙饗

名宦祠在戟門左舊有祠無主明崇禎十二年知縣宋祖乙申請祀裴琰之等七人後主壞康熙十年知縣朱世緯教諭魏繼樑重立

唐永年令裴琰之 臨洺令楊茂謙 明永年知縣孫

允中 朱泰 程純 馬翰如 耿鳴雷

鄉賢祠在戟門右康熙七年 教諭楊九有重修

宋慶禮 李椿 王磐 劉肅 劉賡 連盛 連鏞

盧大節 宋范 李杜 盧大中 宋師程 李養

志 李韞秀 宋學道 單鏡 李春萼 申佳允

胡淵 胡士偉 李養廉 胡福宏 李仲熊 劉璇

冀如錫 李芳莎 甯光祖 申涵光 申涵盼

張蓋 閻斌 按劉肅劉賡洛水人不應祀永年鄉賢蓋當時申請之誤

忠義孝弟祠在城內東大街雍正七年春奉文建咸豐

元年知縣韓象鼎重修

春秋兩祭祝文惟 年歲次 月 朔越

日某省某官某致祭于

忠義孝弟之靈曰惟

靈秉賦貞純躬行篤實忠誠奮發貫金石而不渝義聞昭宣表鄉閭而共式祇事懋彝倫之大性摯莪蒿克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳奠簋來格几筵尚饗

節孝祠在西關雍正七年奉文建道光二十二年知府沈濤重修春秋兩祭祝文惟 年歲次 月

朔越 日某省某官某致祭于

節孝之靈曰惟

靈純心皎潔令德柔嘉矢志完貞全閨中之亮節竭誠致敬彰閩內之芳型茹冰蘖而彌堅清操自勵奉盤匱而匪懈篤孝傳徽

綵綸特沛乎殊恩祠宇昭垂於令典祇循歲祀式篤奠醪尚饗

明倫堂在大成殿後明崇禎六年知縣張毓泰修

國朝順治十八年知縣余維樞雍正十三年知縣丁應蕙重修乾隆六十年知縣李景梅重修同治十二年知縣

王鏞補修

世祖章皇帝欽定臥碑勒石堂中每月朔望學官集諸生宣講

聖諭廣訓於明倫堂

齋房堂東西各五間東曰日新西曰時習

尊經閣廢敬一亭卽其遺址

敬一亭舊在戟門東後改建于明倫堂後增爲五間知縣余維樞侯可大重修亭前舊有號房知縣郝綱課士其中今廢

戟門乾隆二十一年知縣孔廣棣修

泮池

櫺星門乾隆二十一年知縣孔廣棣重修道光二十八年知縣韓象鼎重修同治十二年知縣王鏞重修光緒

二年知縣夏詒鈺更易榆木柱重修

德配天地道冠古今兩坊及照壁皆知縣孔廣棣修

射圃在儒學西有亭三間崇禎十一年教諭汪光緒修

國朝康熙十年知縣朱世緯教諭魏繼禔重修

教諭宅在學宮東明崇禎十一年教諭汪光緒重修

國朝康熙七年教諭楊九有十年教諭魏繼禔增修乾隆

十五年教諭張孝源增修十八年復大修之後漸傾圮

道光三十年教諭縉興重修

訓導宅舊在明倫堂東後缺裁宅廢康熙十八年復建于堂西南乾隆十七年訓導王堯佐重修道光十七年

訓導王大磬重修

學額廩生二十名增生二十名歲科兩試取進文生十八名歲試取進武生十五名

學田詳田賦志

紫山書院舊址在城東關明巡按御史蘇京建後廢按

山書院舊在城東環植菡萏菖風景亞蓮亭申涵盼有書院觀蓮遇雨詩見藝文今書院乃故漳

川書院也在縣治東明正德十三年知府張羽建崇禎

九年知縣張毓泰重修後改皇華館康熙十一年知縣

朱世緯復改為書院乾隆二十一年知縣孔廣棣重修

易今名道光八年知縣沈醇厚咸豐二年知縣陳政典

重修同治十二年知縣王鏞增建講堂學舍勸捐膏火

共地七十二畝零發商生息錢四千三百千文十二年

每課取生童各十五名由值年紳董給發膏火署知縣羅慶熙復捐廉生息錢八百千文增生童膏火各五

名獎賞亦視前有加每月知縣親臨課士焉

縣境書院共三清暉在東門外蓮亭秀洛在臨為郡尊貳守課

士之所非一邑所得私茲不登載

社學舊址在城四隅各一明崇禎十二年推官余忠宸

增置五學東在保慶寺前西在府城隍廟東祠堂南在

南大街又南門西馬道北在倉門道東

義塾舊在城義塾三一在西大街六公祠一在東大街

忠義祠一在府文廟東文昌閣新建城鄉義塾六一在南大街舊義倉南同治八年知府長啟建一在舊義倉北孝弟祠一在車大街僧王廟同治六年知縣王德炳建一在城西北三十五里辛村龍王廟同治十一年府縣共建一在城西北四十里瓜井村冉子祠同治十二年紳民公建一爲武氏義塾在寺西街北頭道東武母祠

永年縣志卷十

知縣事江陰夏詒鈺續纂

祠祀志

祠祀志志功令所應祀也古者各祀國之社稷及名山大川之在境內者又曰有功德于民者祀之歷代以降斯義無改前志所謂報功德于神明溯正學于前哲發忠愛于先民者三言盡之矣懷柔之典今益詳備關廟文昌祠繼升中祀志列之壇壝之後先地祇而後人鬼體例然也文昌本列星乃有後殿誕日之祭殆亦以人道事之歟冉子祠列通祀之後昭忠祠附專祠之後其

牲牢籩豆拜跪之節可考者備著于篇

社稷壇在北門外附府壇祭品帛二黑色羊一豕一劔

一籩四豆四簋二簋三爵三春秋仲月上戊日致祭各

官衣朝衣迎神送神行三跪九叩首禮

祝文維 年歲次 月 朔越 日某省

某官某致祭於

社稷之神曰惟

神奠安九土粒食萬邦分五色以表封圻育三農而蕃

稼穡恭承守土肅展明禋時屆仲春秋敬修祀典庶九九

松柏鞏磐石于無疆翼翼黍苗佐神倉于不匱尙饗

先農壇在東門外雍正四年奉文建壇位方寬二丈五

尺高二尺一寸牌高二尺壇後屋三間圍牆二十二丈

籍田四畝九分每歲遵用部頒日期致祭行耕籍禮祭

品帛一白色餘與社稷同各官朝服迎神送神俱行三

跪九叩首禮禮畢更燐衣詣籍田耕籍印官秉耒農具赤色

半黑佐官執箱播種箱赤色各官俱右手扶犁左手執鞭

九推九返農夫終畝耕畢各退官廳更衣望

闕行三跪九叩首禮

祝文維 年歲次 月 朔越 日某省

某官某致祭于

先農之神曰惟

神肇興稼穡粒我蒸民頌思文之德克配彼天念率育之功常陳時夏茲當東作咸服先疇洪惟

九五

之尊歲舉三推之典恭膺守土敢忘勞民謹奉彝章聿

修祀事惟願五風十雨嘉祥恒沐於

神庥九穗雙歧上瑞頌書於大有尙饗

風雲雷雨山川壇在南門外附府壇風雲雷雨在中帛四端山川在左帛二端城隍在右帛一端俱白色祭品儀注與社稷同

祝文維

年歲次

月

朔越

日某省

某官某致祭于

風雲雷雨

山川

城隍之神曰惟

神贊襄天澤福佑蒼黎佑靈化以流行生成允賴乘氣機而鼓盪温肅攸宜磅礴高深長保安貞之言憑依鞏固實資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲帛

尙饗

雩祭祝文惟

年歲次

月

朔越

日

某省某官某致祭於

社稷

先農

山川之神曰惟

神恭膺

詔命撫育羣黎仰體

彤廷保赤之誠勤農勸稼俯恤節屋資生之本力穡服田
令甲爰頒肅舉祈年之典惟寅將事用申守土之忱黍
稷惟馨尙冀昭明之受賜來牟率育庶俾農裕于蓋藏
尙饗

八蜡廟在北城下康熙十一年知府劉光榮知縣朱世
緯重修每歲仲春十有四日仲秋十有四日致祭祭品
儀注同社稷壇

城隍廟舊附府廟明崇禎十二年知縣宋祖乙別建于
學宮之西

國朝順治間知縣余維樞乾隆二十一年知縣孔廣棣嘉
慶二十二年知縣袁俊伍傳沛重修同治五年知縣王
德炳重修祀典見前

邑厲壇在北門外每歲清明七月十五日十月朔日祭
祭日設城隍位壇上無祀鬼神等位壇下東西祭品羊

三豕三飯米三石

關帝廟在西門外咸豐三年升列中祀七年頒

御書萬世人極匾額每歲春秋仲月遵用部頒日期致祭承祭

官致齋二日朝服迎神送神行三跪九叩首禮祭品帛

一白色爵墊一登一銅三簋二簋二籩十豆十俎共一

丙陳牛一羊一豕一舞用八份

祝文惟 年歲次 月 朔越 日某省

某官某致祭於

忠義神武靈佑仁勇威顯護國保民關聖大帝神位前日維

神星日英靈乾坤正氣允文允武紹聖學于千秋至大至剛

顯神威于六合仰聲靈之赫濯崇典禮于馨香茲當仲

春用昭時饗惟祈昭格克鑒精虔

五月十三日

神誕承祭官致齋一日不作樂不徹饌供品鹿兔果酒其餘

禮節與春秋二季祭同

祭文惟 年歲次 月 朔越 日某省

某官某致祭於

忠義神武靈佑仁勇威顯護國保民關聖大帝神位前日維

神九宇承庥兩儀合撰崧生嶽降朔誕聖之靈辰日午天中

屈恢台之令序聰明正直一者也千秋徵臚饗之隆盛

德大業至矣哉六幕肅馨香之薦爰循楹典式展明禋
苾芬時陳精誠鑒格尙饗

後殿雍正五年奉

旨

追封三代公爵中祀光昭公東裕昌公西成忠公春秋二祭

行三跪九叩首禮祭品帛各一白色豕各一羊各一邊

豆各八

祝文惟

年歲次

月

朔越

日某省

某官某致祭於

光昭公

裕昌公

成忠公曰惟

公世澤貽麻靈源積慶德能昌後篤生神武之英善則
歸親宜享尊崇之報列上公之封爵錫命優隆合三世
以肇禋典章明備恭逢諏吉祇祀薦馨尙饗

文昌祠在府學東康熙十一年知府劉光榮知縣朱世緯重

修嘉慶五年教授步毓巖重修咸豐六年奉

上諭嘉慶六年欽奉

諭旨

文昌帝君主持文運福國佑民崇正教闢邪說靈迹最著海

內崇奉與

關聖大帝相同允宜列入祀典用光文治當經禮部太常寺
奏准一切禮節祭品均與關帝廟同現在

關聖帝君已陞入中祀

文昌帝君應一體陞入中祀以昭誠敬欽此旋經禮部太常
寺會議自七年春季為始一切典禮悉照中祀例舉行
每歲春秋二祭遵用部頒日期舉行祭品儀節與關帝
廟同舞用文舞六佾

春秋二祭祝文維

年歲次

月

朔越

日某省某官某致祭於

文昌帝君神位前曰惟

神道闡苞符性敦孝友並行並育侔天地以同流乃聖乃神

炳日星而大顯仰鑒觀之有赫示明德之惟馨茲當仲

春用昭時享惟祈歆格克鑒精虔

二月初三日

神誕告祭祝文惟

年歲次

月

朔越

日

某省某官某致祭於

文昌帝君神位前曰維

神功參稟齋撰合乾坤溯誕降之靈辰三臺紀瑞度中和之

令序九宇承暉若日月之有光明闡大文於孝友如天
地無不覆載感至治於馨香爰舉上儀敬陳芳薦精禋

因敦神鑒式臨尙饗

後殿二月初三日告祭祝文維

文昌帝君道備中和神超亭毒稟論謀而允紹欽毓聖之有
基雲漢昭回際嶽降崧生之會馨香感格興水源木本
之思式肇明禮用光彝典尙祈神鑒享此清芬

龍神廟一在縣北五里黑龍潭明萬曆間知府陳立建
俗稱九龍廟

國朝同治九年知縣錢敏重修一在東城上雍正七年知
府李梅賓建俗稱二龍廟

祭文惟

年歲次

月

朔越

日某省

某官某致祭於

龍神曰惟

神德洋寰海澤潤蒼生允襄水土之平經流順軌廣濟
泉源之用膏雨及時績奏安瀾沾大川之利涉功資育
物欣庶類之蕃昌仰藉
神庥宜隆報享謹遵祀典式協良辰敬布几筵肅陳牲
幣尙饗

馬神廟在縣署東

土地祠在縣署大門內

劉猛將軍廟在城內東南隅雍正二年知府王允致建

總督李維鈞將軍廟碑記庚子仲春劉猛將軍降靈自序吾乃元時英川人吾父為順帝時鎮西江各將吾後授指揮之職亦臨江右勦餘江淮羣盜返舟凱還值蝗孽為殃禾苗憔悴民不聊生吾目擊慘傷無以拯救因情極自沈于河後有司聞于朝遂授猛將軍之職荷上天眷念愚誠列入神位將軍自敘如此乙亥年滄靜青縣等處飛蝗蔽天維鈞時為守道默以三事禱于將軍蝗果不為害甲辰春事聞于上遂命江南山東河南陝西山西各建廟并手暢春園擇地建廟將軍之神力賴聖王之褒勅而直于西北永絕蝗蝻之禍其功不亦偉歟將軍咸豐六年知府長敬重修諱承忠將軍之父諱甲

冉子祠在城西四十五里瓜井村明成化間知府秦民悅建嘉靖間知府唐曜重修

國朝同治十二年知縣王鏞重修每歲春秋仲月次丁廣平府同知致祭

旌忠祠在城內南大街祀明申端愍公佳允春秋致祭

順治十二年

世祖章皇帝遣禮部右侍郎又兼內翰林國史掌院學士李夔

棠諭祭故明太僕寺寺丞申佳允之靈曰烈士成仁齋志而沒忠臣報國捐軀以從爾申佳允居心忠孝秉性端良值逆寇之憑陵能舍生而取義朕追思往迹宜表忠魂特崇祀易名用垂不朽靈其不昧尙克欽承是年

賜祭田蒙戶部咨該縣撥官地七十畝給殉難申宦家作春

秋之祭以昭

皇恩嘉卹忠魂之至意該永年縣知縣余維樞查本縣并無官

地二十八社老人等願輸價買給蒙撫院董批允今買得府城西南張寨村生員張華然地七十畝每畝價銀七兩共價四百九十兩俱係二十八社人等公同捐貲已經丈量交割明白除申報達部外卽日撥與申宦家收管耕種以作春秋致祭之用申氏子孫不得擅自典賣撥換若有勢豪強占或用價私買者以背

旨論

律治罪仍將原地追還本主其七十畝錢糧世世照優

免例里社不得妄行攀派永遠遵守爲此帖付申宦子

孫查照帖文事理遵守奉行知縣余維樞記云甲申春

三月申公與殉國二十四臣之列

明史作二十八王文貞公傳作二十八人

世祖章皇帝重矜恤之順治九年十一月十七日奉

特旨下其事於廷十三年閏五月初二日申公殉國議定遂同

二十三臣者特諡端愍並給官地七十餘畝以奉蒸嘗

公嗣子涵光來言曰永故無官地恐君貺委諸草莽而

時薦弗良尋集議合邑二十八社民庶義輸五百金買

沃地如數永爲申氏不潦不旱之供爲請撫按督學使

者皆曰可嗚呼端愍公之精爽如在山可以移谷可以

湮而忠義必不容泯俎豆必不少替百世而後將必有

嘆賞無窮者矣

僧忠親王廟在東大街道南同治六年知縣王德炳購

買地基因經費未足尙未建造

昭忠祠在府城隍廟東同治十二年知縣王鏞建祀周

邯鄲李談 漢奮武將軍沮授 北魏員外散騎侍郎

宋叔集 北齊衛尉卿趙州刺史陳璩 唐給事中張

徹 梁都指揮霍存 晉秦國都虞侯太師王清 宋

都尉毛佺 元平章柱國魏國公董搏霄 淮南行樞

密院判官董昂霄 濬州知州王士元 高郵府知府

李齊團練萬戶高傳 明靈壽訓導賈于庭 都指揮

僉事王邦植 平度州州同盧恂允 山東副使申爲

憲 靈壁縣知縣王茂遠 冀北道鐘希彥 臨清鎮

撫賈儲芳 翰林院檢討王建極 陳州知州侯君擢


兗州推官僉事李昌期 趙州訓導王之統 上元

主簿胡淵 陳州守備張鷹揚 雞澤殷淵 贈按察

使副使劉璇 贈按察使僉事李芳徵 都司用呂得

福 高州鎮中軍遊擊史鵠 定番州知州李蔚然春

秋致祭 按所祀諸公不盡邑人廣府十屬及王事者皆集祀於此焉



永年縣志卷十一

知縣事江陰夏詒鈺續纂

營制志

昭代武功卓越千古邊隅要隘各置駐防勁旅內地府州
 縣亦設營衛以司扞搆功罪與文吏共之廣陽縮轂畿
 南臨洛以西山徑叢雜界連晉豫額設經制于總較永
 年汎之與遊府同城者土馬幾倍之亦可見規制之精
 嚴斟酌之詳備矣舊志自在城廨署營房而外記載多
 闕茲詳爲考正別立專門蓋志乘非文吏一家言也協
 和共濟是所望於後之君子

永年汎外委千總一員署在縣治東歲支餉米銀二十
七兩六錢養廉銀十八兩馬乾銀十二兩六錢共銀五
十八兩二錢

馬兵一名歲支餉米銀二十七兩六錢馬乾銀十二兩
六錢共銀四十兩二錢

戰兵二名每名歲支餉米銀二十一兩六錢共銀四十
三兩二錢

守兵四名每名歲支餉米銀十五兩六錢共銀六十二
兩四錢

共弁兵八員各每歲支餉米養廉馬乾銀二百四兩整
駐廣平府轄永年縣東南北三鄉並西鄉落馬孔村講
武茹佐前後許莊三十三村莊

臨洺汎千總一員署在鎮城中東馬道歲支俸薪銀四
十八兩養廉銀一百二十兩例馬二匹乾銀二十五兩
二錢共銀一百九十三兩二錢

額設馬戰守兵三十四名同治六年奉文裁撥守兵九
名歸入大名練軍

現存馬兵十一名每名歲支餉米銀二十七兩六錢乾
銀十二兩六錢共銀四十兩二錢十一名共銀四百四
十二兩二錢

戰兵二名每名歲支餉米銀二十一兩六錢共銀四十

三兩二錢

守兵十二名每名歲支餉米銀十五兩六錢共銀一百

八十七兩二錢

共弁兵二十六員名歲支俸薪養廉餉米馬乾銀八百

六十五兩八錢駐臨洺鎮城轄縣境西鄉毗連邯鄲及

順德府沙河縣河南武安縣交界各村莊

墩臺六座

臨洺北關

河北舖

即高寨舖

長安舖

龐

莊舖

即三里舖


七里店


曹莊舖

營房在城八十四間臨洺泚六十六間舊志所載今漸

傾圮且在城營房多駐遊府弁兵廣平營既非縣志所

得載營房亦應從畧茲不具錄





永安縣志卷十二

知縣事江陰夏詒鈺續纂

驛傳志

置郵傳命聞諸孟子顧三代以上書闕有間其詳不可考見漢宋昌乘六乘傳奉使及微士皆得乘傳自是以降大率因用其制而飾廚傳稱譽過客亦或如漢詔書所禁迹其利弊迭見立法之善未有逾于我朝者也

國家監明之制通衢設立驛傳以達章奏文報皇華往來亦各以其品第廩食于官而擅動驛馬者且有夫罰當

夫軍書旁午驛騎交錯計程星馳校及分杪雖或天末
萬里往往不淹旬日輒達

乙覽用以指示機宜秉

廟謨而戡大難非偶然也臨洛綰轂

神畿下達滇黔楚豫馴牧之制屢經裁定茲爲詳考錄著
于篇而鋪司兵附焉

臨洛驛在城西四十五里臨洛鎮向設驛丞一員乾隆
十八年缺裁驛務歸縣管理

原額正加工料銀一萬六千二百八十七兩一錢六分
三釐康熙十四十五年各案共裁銀九千七百二十七

兩一錢六分三釐二十年奉文復二分之一銀四千八
百六十三兩五錢八分二釐

裁存並復二共銀一萬一千四百二十三兩五錢八分
二釐康熙二十一年奉裁新增工料銀六百七十九兩
一錢一分四釐雍正八年清釐驛務案內裁探馬夫工
食銀一百八兩又改歸昌延等軍站夫馬工料銀六百
四十九兩一錢一分九釐十一年裁驛站陋規案內奉
裁十分之一銀九百九十八兩七錢三分五釐乾隆二
十八年奉裁車驪驪夫工料銀五百二十三兩四錢四
分

共裁存夫馬工料銀八千四百六十五兩一錢七分四釐

遇閏加銀五百一兩八錢二分共正閏工料銀八千九百六十六兩九錢九分四釐

前件銀兩奉文自嘉慶五年爲始在本處地糧銀內留支供應年終造冊奏銷

驛馬八十六匹每匹日支豆草麩價銀六分七釐五毫日共支銀五兩八錢五釐月共支銀一百七十四兩一錢五分有閏按月支銀數遞加小建按日支銀數遞扣下並同

接送京報馬夫四名每名日支工食銀五分四釐月共支銀二錢一分六釐月共支銀六兩四錢八分

馬夫四十三名每名日支工食銀七分四釐日共支銀三兩一錢八分二釐月共支銀九十五兩四錢六分

看馬獸醫一名日支工食銀五分四釐月支工食銀一兩六錢二分

抄牌書手一名日支工食銀九分月支工食銀二兩七錢

協濟損轎夫十五名每名日支工食銀二分五釐日共支銀三錢七分五釐月共支銀十一兩二錢五分

包軍十五名每名日支工食銀四分六釐日共支銀六錢九分月共支銀二十兩七錢

募夫兵快十名每名日支工食銀四分五釐日共支銀四錢五分月共支銀一十三兩五錢

接遞皂隸二十五名每名日支工食銀二分三釐四毫內除扣留二皂隸五名實在驛應差皂隸二十名每日共支銀四錢六分八釐月共支銀一十四兩四分

遞馬歸驛損轎夫六十名每名日支工食銀一分八釐內內扣留二夫十二名實在驛應差損轎夫四十八名每日共支工食銀八錢六分四釐每月共支銀二十五兩九錢二分

遞馬歸驛接遞皂隸二十五名每名日支工食銀一分五釐內除扣留二皂隸五名實在驛應差皂隸二十名每日共支工食銀三錢月共支銀九兩

歸驛損轎夫一百一十名每名日支工食銀六分八釐內除扣留二夫二十二名實在驛應差損轎夫八十八名每名日共支工食銀五兩九錢八分四釐月共支銀一百七十九兩五錢二分

驢二十頭每頭日支草豆麩價銀三分日共支銀六錢月共支銀一十八兩

驢夫四名每名日支工食銀七分四釐日共支銀二錢九分六釐月共支銀八兩八錢八分

買補倒斃馬匹每匹價銀八兩一錢每年倒斃不得逾二十匹

馬驢煮料柴薪治馬藥材馬房燈油鞍屨槽鑰籠頭韉繩一切雜支不等年終核實開銷

廩糧按各官品級開支

右三項用數每年無定額廩糧係墊辦請領前二項在存留工料銀兩內核實支銷

倒馬皮張變價銀每匹五錢

額設廩糧九折實銀四百五十兩

扣存夫馬小建銀每年不等

扣存留二夫阜銀計接遞阜隸五名每日應共扣銀一

錢一分七釐每月應共扣銀三兩五錢一分遞馬歸驛

損轎夫十二名每日應共扣銀二錢一分六釐每月應

共扣銀六兩四錢八分遞馬歸驛接遞阜隸五名每日

應共扣銀七分五釐每月應共扣銀二兩二錢五分歸

驛損轎夫二十二名每日應共扣銀一兩四錢九分六

釐每月應共扣銀四十四兩八錢八分 以上各按月

建大小有無閏月扣算每年計數不等

雍正二年議准直隸各驛損轎

接遞等夫役每十名召募八名其二名工食扣留遇有大差經臨額夫不敷將此項銀兩添僱應付餘者充餉此留二之始也

右四項銀兩按季報解司庫

附舖遞

在城舖舖司一名兵八名

張村舖東至在城舖十里西至入汪舖十里舖司一名

兵三名

入汪舖東至張村舖十里西至西蘇舖十里舖司一名

兵三名

西蘇舖東至入汪舖十里西至龐莊舖十五里舖司一

各兵三名

龐莊舖一名三里舖東至西蘇舖十五里南至曹莊舖

十里北至高寨舖十里舖司一名兵六名

高寨舖一名河北舖南至龐莊舖十里北至沙河南中

舖十里舖司一名兵六名

曹莊舖北至龐莊舖十里南至邯鄲王化舖十五里舖

司一名兵六名

賈葛口舖東北至在城舖二十里西南至邯鄲在城舖

二十里舖司一名兵二名

關寨舖北至在城舖十二里南至肥鄉林家舖十里舖

司一名兵三名

河莊舖西南至在城舖十五里東至曲周滏陽舖十里
北至雞澤同莊舖十五里舖司一名兵四名

右十舖舖司兵五十四名工食銀兩載田賦志留支

永年縣志卷十三

知縣事江陰夏詒鈺續纂

古蹟志

永邑當燕趙之郊檀臺信宮自昔豔稱游斯土者溯前
哲之風流感古今之代謝登高而賦不慨然與尙友之
思哉流俗誇靡作偽遂多舊志謂廉頗臺與古籍不同
其地且北在無極仍復登載庸非舛乎著述之體惟實
斯傳正毋俟繁稱博引為也五橋澤黃龍鎮不僅以古
蹟著今改列兵事錄中

雞邱在縣西南南護駕村水經注曲梁縣之雞澤國語

所謂雞邱矣東北通澄湖元和志永年縣雞澤在縣西南十里左傳諸侯同盟於雞澤今其澤魚鼈菱芡州境所資

檀臺史記趙成侯二十年魏獻榮椽因以爲檀臺括地志在臨洛縣北二里徐廣曰襄國有檀臺襄國今在順德府邢臺縣城南

信宮史記趙武靈王元年陽文君趙豹相梁襄王與太子嗣韓宣王與太子倉來朝信宮十九年正月大朝信宮正義曰信宮在臨洛縣

萬春宮竇建德建故址在城內府治東今無考

善政樓在府治前元延祐六年總管邢秉仁建今廢

後樂亭在東門外明嘉靖中知府唐曜建遺址柱石尙存

荷花館在城外東北隅明萬厯間知府蔣以忠建今改清暉書院廣平府每月於斯課士焉

干將城在城南三里俗名韓子城北齊書綦母懷文云廣平郡南幹子城是干將鑄劍處其土可以瑩刀寰宇記干將城在洺州即干將鑄劍處鑪池俱存今爲韓家屯村

廣年故城在城東北漢置詳沿革志

曲梁廢縣在城東北通志云古赤翟地餘詳沿革志
易陽故城即臨洛城漢置名勝志臨洛城在治西五十
里餘詳沿革志

竇建德城在城北二十五里今名古城村


五花城在城西北二十里元末脫脫領兵所築

陽城在城西五十里臨洛城西北八里地高土堅明季
土人鑿洞避兵於此

唐壘在縣西南婁山頂唐書地理志太宗擊劉黑闥駐
軍於此上有石刻字劾

洞兒頭在城西四十里地徑四五里傳其下爲竇建德
行兵地道盡處明嘉靖間胡尚書墳家築室鑿地得巨
銅盆覆一券門可並行數馬列炬而入火輒爲溼氣撲
滅泥淖沒脛懼不敢進泥中拾得銅軍器半枚仍以盆
覆填之天啟中監生趙某築舍掘一門與此相同而道
南北去不數武疑即城中發兵處又城中井近水有鐵
窗者凡十餘處或云洞中透氣之所亦未知其是否也
溫泉魏都賦溫泉毖涌而自浪注曰溫泉在易陽世以
洗疾治百病易陽即今臨洛地泉無考

清烈井在府儒學大門內明烈女王氏投此井死詳列
女傳



永年縣志卷十四

知縣事江陰夏詒鈺續纂

碑碣志

元徐碩嘉木志碑碣多至十一卷識者躉之爲其出入
史傳裨益聞見也永年舊志附夏承碑于古蹟餘概未
及豈燕趙之郊自古椎魯少文母亦載筆者視爲可畧
致僅存名迹湮沒不彰乎採訪所及又得婁山石刻等
十種金元二碑實補職官表之闕亦可信貞石非無用
之文矣篇中所載斷自明代或因事附見他卷如水利
營繕之類茲概畧之云

漢淳于長夏承碑

碑文君諱承字仲充東萊府君之孫太尉掾之仲子石中郎將弟也累葉

牧守印綬輿據十有餘人皆德任其位名豐其爵是故寵祿傳于歷世策勳著于王室君鍾其美受性淵懿含

和履任治詩尚書兼覽羣藝靡不尋暢州郡更請屈己匡君為主簿督郵五官掾功曹上計掾守令冀州從事

所在執憲彈繩糾枉忠潔清肅進退以禮允道篤愛先人後已克讓有終察孝不行大傳胡公歆其德美旌招

俯就羔羊在公四府歸高除淳于長到官正席流恩褒善糾姦示惡旬月化行風俗改易輻軒六憲飛躍臨津

不日則月皓天不弔殲此良人年五十有六建寧三年六月癸巳淹疾卒官嗚呼痛哉臣隸躡躅悲動左右百

姓號咷若喪考妣咳孤憤泣切怛傷摧勒名金石惟以告哀其辭曰於穆皇祖天挺應期佐時理物紹縱先軌

積德勤紹燕于孫子君之羣戚並時繁祉明明君德令聞不已高山景行慕前賢烈庶同如蘭意願未止中遭

冤天不終其紀夙世賈祚早喪懿寶抱器幽潛永趙明歸蒿里痛奚如之行路感動黨魂有靈垂後不朽趙明

誠金石錄云夏承碑因元祐間治河堤得于土中建寧

靈帝時年號也原石今毀申涵光文集謂土人苦需索

之煩苛嘉靖癸卯築城之役遂瘞置南城樓下亦不知

其信否也今存二本一為明知府唐曜摹碑廣二尺六

寸長五尺四寸十三行行三十字第九行二十二字末

行六字無額碑文後隸書題曰建寧三年蔡邕伯喈書

曜自為之跋文四行蔡邕書淳于長夏承碑在廣平府

當于廣平碑所自來莫可考竟成化己亥前守秦公民悅建愛古軒以覆之碑首有穿疑所以受繹懸棺而入

分字畫奇古信為漢物無疑迨今七十年海內賞鑒擬石經矣嘉靖癸卯築城之役為工匠所毀越二年予來

守郡索諸瓦礫不獲乃取摹本臨石置亭中予觀歐陽子集古錄至干卷自以為多是碑錄所未載然其時已

云漢隸難得况後此五百年獲見古人未見之完碑乃不幸而淪毀豈不可深惜耶今臨刻適勁不失漢風骨

足作佳觀它時興作者他山之石何限豈必
茲碑也哉嘉靖乙巳五月望南昌唐曜記 碑今在紫

山書院一本在廣平府署嘉慶十年大興翁方綱跋謂

取無錫華氏宋搨本重摹照裝池原式上石計石六方

婁山磨崖石刻在縣西五十五里篆文十五字趙廿二

年八月丙申羣臣上醴此石北按戰國趙都邯鄲石趙

都襄國此山均在國都左近惟碑文作李斯小篆體決

非戰國時物石勒稱趙五年後改元建平即綜一生在

位計之亦不及廿二年也又考東西漢皆有趙國敬肅

王彭祖在位最久漢諸侯王各以其即位紀年五鳳石

可證碑或當時物歟敬肅王景帝子縣境各碑此為最古因無紀年確證故以時代附之

夏承碑之後

婁山題名殘石共四行一曰監軍判官濟陰郁久閻明

達一曰侍御史魯國郡一曰洛州刺史一曰范陽盧頌

餘磨泐不可辨考宇文周建德六年改廣平郡為洛州

郁久閻柔然姓隋唐以後此姓鮮矣筆致姿媚類趙吳

興殊不似尋常北碑之犍劣也

唐造像碣石廣五寸長三寸碑文四行天寶元年四月

四日造阿彌陀像一鋪像主張五姐共二十字佛像在

碑文之左同治十二年臨洛關人濬井得之

宋敷文閣學士李椿碑在南賈葛村碑現存仆按碑文

朱文公所撰也載藝文

金普惠寺碑在縣東北三十里下堡店碑廣三尺高七尺二寸碑文二十三行行六十字末行三十一字篆額三行題曰重修洛州永年縣普會禪院記首行文同末行正隆三年正月十有一日記正隆金主亮建元年號也首行下小字三行承事郎致仕柳大亨撰徵事郎何恩篆額將事郎李德華書丹碑文後結銜四行承信校尉行洛州永年縣尉飛騎尉苗侃儒林郎行洛州永年縣主簿武騎尉賜緋魚袋張儒林郎行洛州永年縣丞武騎尉賜緋魚袋劉公柄建威將軍行洛州永年縣

令騎都尉弘農縣開國子食邑五百戶實封三百戶楊

班下二行僅辨住持管院事沙門智安九字餘磨泐

元僧住齊政碑在縣西臨洛鎮碑廣二尺高四尺題額

三行永年縣達魯花赤僧住齊政碑首行字同碑文十

三行字數磨蝕不可辨前後結銜各三行後進儒人

金永 撰延安路蒙古字學教授李 書廣平路儒學

正董從善題額將仕佐郎永年縣主簿張煥承務郎永

年縣尹兼管本縣諸軍 曾勸農事劉源將仕佐郎永

年縣達魯花赤兼管本縣諸軍 曾勸農事僧住年月

一行至元四年八月初八日馬莊社長張文憲等立碑

文殘缺繹其文義蓋僧住修葺驛舍士民立碑頌德也未四行似銘文語拙書劣惟題額十二字秀整有法度考元制府州縣各置達魯花赤一人上縣秩從六品中正七下從七中下不置丞今結銜有簿無丞是當時官制在中下之間也元有兩至元考府志張煥在金爲肥鄉令劉源元初仕威州州判碑當建于世祖時歟

洛國公王磐碑在縣北三十里曲陌鎮首行題大元故翰林學士承旨資德大夫贈端貞雅亮佐

太傅

開府儀同三司追封洛國公諡文忠王

碑銘并序

結銜二行集賢殿大學士昭

大學士榮祿大夫大

司農兼御史中丞張晏譔并書朝散大夫大名路同知李暉篆額碑文十八行行八十字銘四行行六句末行至元三年歲在丁丑夏四月辛未朔越四日甲戌立石按此順帝至元三年也碑載磐走襄陽宋將聞其名署議事叅軍史傳所未及又磐題三教坐立像頗載他說部實見之此碑也惜石刻頗剝蝕云

明夫子廟堂記在廣平府學永樂十一年知府楊浩入分書碑廣二尺四寸高四尺五寸首行題夫子廟堂記有唐駕部郎中程浩譔文十行行二十五字末行二十字又楊浩跋四行蓋賞程氏之文寫摹貞石然立碑以


刊他人之文事亦鮮見也跋在上方下結銜三排同知
盧臻通判周安教授李輔教諭尼檢訓導汪閻閻敏立
石

重修普惠寺碑在下堡店廣二尺四寸高七尺二寸文
林郎知山西平陽府河津縣事前陝西慶陽府通判郡
人盧重華謨文欽依總傳教薊昌二鎮車砲等藝致仕
參將庚戌科武進士郡人盧國讓篆額欽差巡撫大同
等處贊理軍務都察院右副都御史郡人申佐書丹文
十六行行四十字碑載嘉靖三十二年旱僧俗等持佛
前淨瓶跪烈日中懇禱瓶水湧出大雨隨降事頗不經

未行大明萬曆五年歲次丁丑夏四月既望張西堡信
士盧大烈書前文既列申佐書丹茲又云盧大烈書當
由未解書丹字義故抵牾至此耳又有萬曆八年修寺
碑四十六年修圓通閣記文蕪不錄

府學集王碑崇禎十二年知府程世昌重修府學桐城
何如寵謨文潁川趙澄集晉右軍將軍王羲之書碑共
八方每方廣三尺四寸高一尺分行字數不等長州邵
瑩摹勒書法精好神采不失碑末有邵瑩自書跋作李
北海體蓋亦工書之士也記文後有推官余忠宸永年
縣宋祖乙邑人胡鳳閣福宏馬任遠王熾各跋又有郡

倅及九縣知縣各教職題各姓名均見府縣志不錄



永年縣志卷十五

知縣事江陰夏詒鈺續纂

寺觀志

國家懷柔百神秩祀具舉春秋祭享給大府資守土吏敬
謹奉祀焉其有本屬正神而名號不經或迹涉迂誕而
流俗相耀苟非邪說惑眾爲人心風俗害者亦聽從民
便舊志謂永年俗尚樸質未有以詭異羅法網而報賽
祈禱之所不必盡準典禮誠哉斯言不僅一邑然也舊
載文昌祠已升中祀茲改列秩祀志他若功德在民事
屬宜舉而未著令甲者亦掇付於此焉

魁星樓在府學前泮池中康熙十一年知府劉光榮知縣朱世緯重修一在東南隅城上明萬厯間知府南居易知縣陳所行建

火神廟一在南甕城內明崇禎十一年建一在西城下

東嶽廟一在東甕城一在葛家口西一在城南八里

三清觀在西甕城

真武廟一在縣治西一在北甕城

九天聖母廟在縣治東北明崇禎十三年順廣道張秉貞建

魯班廟在南關

三官廟在三清觀東

碧霞元君廟一在城東關一在城北關

玉皇閣在北堤內

藥王廟在北堤內

河神廟在南橋

清都觀在城西三十里西蘇村唐時建元延祐間鄂國公重修明萬厯間增修祀碧霞元君

呂仙祠一在南橋一在城東二十里河莊在南橋者今

各呂公堂

明山大王廟在城西六十里聰明山上

廉頗廟在城南二十里東家堡

龍王廟在城西二十五里辛村同治十一年知府長啟
知縣錢敏建後殿爲治河諸公生祠東偏爲義塾

白馬將軍廟故址在城西五十里臨洛關俗傳唐羅士
信死於此太宗爲建廟祀之有碑陷淤泥中云勅守臨
洛城陷被執又云廟制宏敞尉遲敬德奉勅督修考士
信從秦王擊劉黑闥洛水人據城降代王君廓守之隋
及唐初自有洛水在漢斥漳地是士信死于洛水非臨
洛也舊志列之古蹟體例殊舛茲改置於此
保慶寺在縣治東

甘露寺在城東後改建爲蓮花菴

鐵佛寺在城南關相傳像是大水浮來者

普惠寺在城東北三十里夏堡村俗名夏堡寺故址在
城西北東魏永平三年創建宋崇寧甲申易名天寧萬
壽禪院金天會中僧同休始改建今址仍名普惠寺正
隆三年僧智安重修明成化中僧如金增建千佛閣嘉
靖庚申僧妙忠癸亥僧妙省萬曆五年僧妙聰八年知
府趙奮薛鑰知縣馬翰如重修

國朝順治十四年康熙三十七年重修寺內圓通閣明萬
曆四十六年郡人劉應麟等重修

泉亭寺在臨洛鎮西南五里鎮城掘井必三丈乃及泉寺地水距地不過二尺有蓮池水泉常盈溢俗云趙王香火院有古井明天啟中邑紳李養沖重修

清泉寺在城西北四十里龍泉村

天寧寺在城西孔村

大慈寺在城西大慈村

大定寺在城東陳寨

蓮臺寺在城南韓兒寨

開元寺在城西南田兒寨一在城西北榆柳村

福聖寺在城西瓜井村

保全寺在城西北尹固村

洪榮寺在城西北劉營村

河北寺在城北朱家莊

順國寺在城北七方村

清佛寺在城西北鄭西村

普應寺在城北曲陌村

龍泉寺在城西龍泉村

石佛寺在城南牛家堡

興國寺一在高固村一在井兒寨

華嚴寺在圈子村

大名寺在城西北二十八里

目連寺在城西北二十里趙目連村

清涼寺在城南三十里袁寨村

北河寺在城北四十里

千佛寺在臨洛鎮東洛河岸上

準提菴一在馬神廟前一在南門外

白衣菴一在城西大街一在北城下明知府程世昌建

永錫菴在縣治東

河陽生祠在府城隍廟西祀知府陳俎

報功祠在府治東祀知府劉芳譽

高公祠在城西八里護駕村祀知府高汝行

南公生祠在西門外祀知府南居易四祠均圮

六公祠在城內西大街合祀明陳劉高南四公於此增

祀知府蔣以忠同知萬廷言

馬公生祠在城南三里午橋堡祀明知縣馬翰如


陳公生祠在西關外祀明知縣陳所行

耿公生祠在臨洛鎮祀明知縣耿鳴雷

郭二公祠在城南三里午橋西祀元昭文館大學士知

太史院事郭守敬按守敬引漳滏水灌田五千頃其功甚偉

國朝知府李梅賔道光十四年知府楊兆璜建



永年縣志卷十六

知縣事江陰夏詒鈺續纂

塚墓

邑乘志塚墓何昉乎重其人並重其衣冠之藏高士之
壠自昔豔稱所從來遠矣永邑有鄆公母子墓流俗傳
述其說不盡雅馴然既人人意中以爲墓道在是則瞻
宰樹拜封阡因以動其景行好德之心先賢靈爽有不
式憑者乎唐宋以降聞人輦起鄉賢諸公莫不生播芳
譽沒崇俎豆而一抔之土樵蘇不禁固由後嗣式微抑
亦守土吏之責也茲爲考求所在增錄於篇義塚附焉

周冉子墓城西四十五里瓜井村明成化中知府秦民

悅建祠撰碑文

郡舊志及一統志俱云冉伯牛墓在永年劉營村社歲久湮沒不知所在民悅

叨守郡使人求得于瓜井村手是培塚以土周繚以垣植松栢建祠堂墓前立碑題識垂示永久伯牛魯人葬于此無所考相傳以為此地去沙河縣西山温泉不遠

泉能療疾伯牛得瘡來浴返而卒于途因葬之伯牛之疾先儒以為癩此說猶為近理然夫子問疾時伯牛居

於家與之永訣則是說又不信也或曰伯牛之徒散呼道德之光萬世瞻仰興衰起廢有司職也敢以為非

是而使先賢之蹟萬歷三十九年知縣陳所行增修教

夷於邱壠也哉

授方承郁撰記

冉子墓自前守秦公民悅修復百年於茲遺址僅存歲丁未太守陳公守修未

竟遷去永年陳令所行更經紀之割俸俾郡諸生楊冲漢等董其役購附墓隙地而闢之前為大門次為坊表

中為享堂繼以拜亭各三間綽楔孔道顏崇禎五年知之日高山仰止於秦公舊貫大為充拓云

府劉養粹同知崔爵疇通判羅天象推官龔銘同立碑

河北舖大道側碑署孔門德行冉子伯牛神道

竇鳴犢墓在城西寰宇記竇鳴犢墓在臨洛縣西南十

二里

毛遂墓在城西南五里大堤內

宋敷文閣直學士李椿墓在城西二十里南賈葛村

元洛國公太傅王磐墓在城北三十五里孫陳社

趙國公大司徒何榮祖墓在城西三十里周村社

壽國公中書右丞吳鼎墓在城西五十里石碑社

趙國公吏部尚書吳元珪墓在城西五十里臨洛鎮

國朝乾隆十二年廣平府通判畢宗高撰記 元吏部尚書吳公才畧勛

名昭垂志乘其從弟集賢直學士諱元瑜亦以忠蓋入祠永年縣鄉賢祠父諱鼎為中書右丞志載尚書征謀

治法律令章程皆父所授則父子兄弟皆賢有績者後世式微至今日而子孫百不一存相傳其墓在臨洛西

之召莊村已乃往訪其迹則夷漫漸滅盡成園圃求一邱壠而不得也夫以前賢未泯之勳績而不保其窀穸

其家世既無嗣續非守土者責歟相與踪跡久之得石虎五一跨其前餘列於西隅相望也考廣平郡志得明

和鳳撰學士墓田記中載墓地在前明已被侵沒有明府蔣公會考訊其事量其侵沒之多寡明正其罪一一

追復之其地東西濶九十七步南北亦九十七步畫大畧表以界石猶恐歲久復廢乃立石以記之迄今記石

亦不復見就四隅石虎而記之其中地東西南北得步如其數或者其即所置界石耶今之去蔣明府又百餘

年地之轉相授受已不一姓其始侵沒之人始不可復追如蔣公之舉則違於俗而名賢之墓又烏可沒諸乃

召其鄉之父老而詳詢焉有稍記憶者于西北偏卑地又得至正間一碑記乃學士歷仕績也因於碑之北得

其穴蓋越平壤數尺穹然有藏脊焉遂由西徑東度其對列之分而驗之類幽宮之門闕知為尚書墓也因於

其中求右丞之穴則杳無髣髴或謂當蔣公時即僅得二塚中特以意為封者耳吾疑之適書吏張會良者稍

通古卜令至墓地正域中方位祀而卜之兆應未位蓋在兩墓之間而稍當西偏其前則益越而南也就位求

之則有園而堵者上苞下廣南向迹如幽隧相傳賜葬者園其藏是未可知而其為穴無疑於是三穴皆得實

迹矣命種墓地者剖生而封之傍墓各令空地二丈中闢墓道長四十九步廣六尺足布武而已皆立石為識

永禁侵種其四隅石虎勿遷以存舊址仍聽佃田焉以非始侵之人且無廢地利也雖然何以垂久遠金石有

時而壞祀典則百世為昭且是侵墓田者較之作備薄乎云爾烏得無罪既免其罰而於一歲之入四十取一

焉以供春秋牲醴之祭庶亦有藉以說于神靈而通守於其時親往致奠必願胙於羣從使其懷常報無墜厥典以永保三賢之墓後之君子諒亦有同志云爾

集賢直學士吳元瑜墓在臨洛鎮

明叅政徐敬墓在城北三十五里徐北汪村

山東運使連盛墓在城西四十里裴坡莊

尙書胡瓚墓在城西十五里張固村

雲南按察司副使申綸墓在城西七十里繇村

都御史連鑛墓在城西四十里裴坡莊

都御史李堯德墓在臨洛鎮

都御史申佐墓在城南五里韓家屯

給事中周京墓在城北郭

池州府知府杜秉籜墓在城西二十里賈葛村

副使杜廢墓在城西五十里河莊

尙書盧大中墓在城西四十里劉營村

臨洮府推官盧大節墓在城西四十里劉營村

山西叅政宋師程墓在城西五十里洛陽村

吏部郎中蓋國士墓在城北三十五里姚張村

戶部主事李韞秀墓在城西三十里周村

按察使李杜墓在城西三十里東蘇村

御史贈少卿姚三讓墓在城西二十里落馬村

翰林宋范墓在臨洛鎮

都御史李養冲墓在臨洛鎮西三里

大理寺丞李養志墓在臨洛鎮東北十里雙陵村

封邱縣知縣宋學道墓在城西五十五里石碑村

副使申价墓在城南八里張兒寨

進士單鏡墓在城西四十五里施莊村

忠州知州李春萼墓在城西三十里東蘇村

蒲臺縣知縣胡士偉墓在城西北十五里張固村

贈上元縣王簿胡淵墓在城東八里河西堡村

太僕寺丞諡端愍申佳允墓在城西北七十里繇村

副使申為憲墓在城北三里堤圈村

二烈女墓在臨洛鎮姓氏無考明正德間劉六擾畿南

見二女犯之不從姊妹同遇害鄉人葬之乾隆二十一

年永年縣知縣孔廣棟立石作記永年舊志載二美塚而注云二女拒賊死

是烈女也而目以二美其亦善于義矣余使人求墓所

在詢之鄉人咸云塚各二妹非二美也又得明白南金

所為詩悖褻尤甚蓋二女烈魄含冤蒙詬者二百年於

茲矣閨闈弱質猝遇悍寇刀鋸森列猙獰滿目於此視

若無有不難殺身見志生平自負奇男子當大難而不

渝者幾人哉如二女者姓氏里居一無可考徒以貞魄

烈氣耀晶明於聽山洛水之間稱名之褻與艷語之作

徒增妄作者浮薄之孽於二女無損也余為更其名曰

遺跡與古賢並垂不朽云

國朝贈僉事宋永譽墓在城西六十里石碑口村

江西按察使胡福宏墓在城西北十五里西張固村

贈副使劉璇墓在城西北四十里柳村

贈太常寺卿冀一貫墓在城西三十五里尹固村

贈太常寺卿冀爾行墓在城西三十五里尹固村

工部尚書冀如錫墓在城西北三十五里尹固村

封翰林院庶吉士甯光祖墓在城東二十里閻胡寨

都察院僉都御史劉超凡墓在城東二十里賈寨

永州同知李芳莎墓在城西五十里東召莊村

處士張蓋墓在城東十里善兒寨

貢生申涵光墓在城西七十里繇村

翰林院檢討申涵盼墓在城西七十里繇村

湖廣道御史甯爾講墓在城東二十里閻胡寨

河南按察司副使李芳蘊墓在臨洛鎮西

湖南道李仲熊墓在城西二十里賈葛村

江南淮揚道王謙墓在城西北三十里北汪村

貢生閻斌墓在城北八里陳義村

義塚四一在東橋地四畝二分距城三里一在下坡張


家莊地五畝五分零距城四里一在北胡賈村地一畝

二分零洛水沖沒無存一在陳村地十一畝八分二釐

年久侵種道光七年知縣沈惇厚清丈地基據地鄰貢

生馬有爵等各捐地歸入義塚原存新捐地共五畝四

分三絲八忽



永年縣志卷十七

知縣事江陰夏詒鈺續纂

風俗志

前邑令孔廣棣曰舊志引漢書土廣俗雜高氣勢兩言
首永年風俗然漢書二語自言邯鄲邯鄲屬趙國廣平
自屬廣平國不相蒙也漢書不言廣平而言趙中山兩
國地薄人衆丈夫相聚游悲歌慷慨於時易陽屬趙國
即今臨洛鎮也此則永俗之畧可見者矣夫風俗亦安
有定哉韋義爲甘陵牢獄空虛劉曠爲平鄉風教大洽
移易之權始由人操我

朝太平翔洽教成禮讓永俗樸淳有司者苟以齊魯治之
豈今之必如古所云耶茲爲掇其大概著於篇習尙稍
偏亦間爲規指蘄與吾土民共沐焉

信都清河之間博陵恒山趙郡武安隋時縣屬武安襄國郡其

俗頗同人性多敦厚務在農桑好尙儒學傷於遲重前
代稱幽冀之士鈍如椎蓋取此焉俗重氣俠輕結朋黨
其相赴死生亦出於仁義隋書地理志

河北路人性質厚少女多專經術大率好勇尙義號爲
強伎大名澶淵安陽臨洺汲郡之地頗雜斥鹵宜於畜

牧宋史地理志

舊尙奢侈信巫鬼今漸有古風廣平府舊志

永俗樸宦歸者以炫燿爲恥少年衣飾鮮華衆指目以
爲笑士人布袍徒步徐行過市市人側臂讓之居無雕

牆曲檻賓筵無山海物然近亦稍侈舊志申涵光永

附郭然壤僻非輪躡所會民皆土著耳目偏狹無壯觀
豪舉驚其聞見故俗尙樸鄙所從來舊矣宦而歸者或

不能備字此卽饒囊橐亦外示儉素以炫燿爲恥士循
循守繩尺布袍待行市人側臂讓之所居無雕牆曲檻

第取完固賓筵無山海之錯正襟揖讓雖狎必以儀民
務稼穡無逐末之四方者早辦租賦尊上奉法或務夸

毗衣華組衆指目之以爲笑大較然也在畿輔爲易治
故厯水旱兵燹受禍獨淺時勢遷流漸爲浮薄推厥所

由蓋亦有倡之而盛養之而成者如衣食居處之漸侈
當率以儉詩書道喪習爲澆恣利端日啟刁詐相尙當

尤在司風化者日留意焉

冠禮久廢明嘉靖間知府蔣以忠刊家禮四要行之士大夫家偶具牲醴酬祖考鮮有舉三加之儀者

婚禮男請媒二人具衣冠往謁女家投遞婚啟曰登門次姻家互招飲宴男先女後曰會親男家以彩幣牲果鼓吹送女家曰聘定筵席逾日女家具巾服脯果鼓吹往男家曰回禮瀕娶復行納采筵席禮如前女家送妝奩曰鋪牀迎婚前一日婿具酒果鼓樂往女家曰通道路明晨盛張鼓樂親迎次日婿以酒果行謝親禮三日婦謁祠堂拜舅姑上女工女家復具衣飾鼓樂導送男家曰追三邀女眷往婿家曰餽飯迎女及婿歸曰回面

九日亦如之


喪禮先用布帛送姻家報訃成服後開弔敬孝經于弔客三日內姻屬餽食于喪側曰倒頭飯民間始喪未殮子孫並婦女薄暮沿街擗踊號哭在城至城隍廟在村至土地廟曰押紙士紳家無之立告布於門書死者職銜字諱生卒歲月柩前立銘旌門外懸紙幡曰三奠七日曰一七四十九日日盡七及百日皆奠視餘日有加將葬書期於門親友具賻奠送銘旌賻用金錢奠用羊豕酒果及蜜造樓塔坊橋之屬喪出用旗幡紙劄鼓樂前導所經親知之門必拜奠柩前曰邀祭送至城外或

至墳墓以親疎爲差請有爵者祀土題木主奉木主鼓樂導歸至家虞祭次日孝子詣弔客家大門拜居城外者不往葬不甚重風水無久停不葬者士大夫家不作佛事市民有於柩前置酒陳鼓樂戲劇者曰煖靈士紳家無之

祭禮士大夫家多奉先世神主於寢間有立家廟者歲時行墓祭禮寒食添土墓顛五月薦新麥謂之簡湯十月一日製紙衣送墓間曰送寒衣亡者生辰忌日亦墓祭立春日民間喫春餅蘿葡曰齧春小兒鑽土牛云能稀痘元日親知相拜賀五日內皆於五更掃堂地

之士送門外曰送五窮八日點麵鐙祭本命星辰元宵男婦游觀曰走百病或有於祠廟縛鰲山扮戲者府城隍廟最盛二月二日煎油餅薰蝎清明日插柳於門祭墓五月五日門插艾兒帶五色絲索親友餽角黍白圓飲雄黃酒菖蒲酒六月六日曝書衣七月七日女子設瓜果於庭前穿鍼乞巧十五日農人掛紙錢田畔謂之掛地頭錢上墳祭掃采麻穀供祖先八月十五日餽月餅西瓜及諸菓晚飲酒曰圓月九月九日親友相邀登高賞菊十月一日祭墳墓冬至日親友相拜賀祭墓十二月八日雜米豆棗煮粥

有施貧人及獄囚者二十三日祀竈除夕燃爆竹日驚
鬼飲酒曰守歲



永年縣志卷十八

土產志

知縣事江陰夏詒鈺續纂

粵稽唐志洺州貢純綿紬油衣宋史亦言河北路爲繭
絲織絰之所出是蠶桑之利今擅之東吳者古且在大
河以北亦可破末俗膠固不通之論矣曩者大吏有意
興舉通飭各屬勸辦其時邑令具稟亦謂東橋等四十
六村本業養蠶因道光十四年大雪封條桑樹凍枯殆
盡舊業遂廢夫使當其時得良有司視如家事爲之購
種勸之封樹則民習其勞令出惟行何至以百年之利

廢于一旦徒使後來者舉久遠不行之事舌傲頽禿強
聒信從難易之致迥不相侔矣固人謀之不臧非物性
之違異也爰因志土產而備論之其秔稻之產及諸利
用宜民者備著于篇

穀類

大麥 小麥 稻 糯米 黍 稷 粟 秬 葛 蕎

麥 黃豆 黑豆 綠豆 青豆 豌豆

果類

桃 杏 李 梨 沙果 蘋果 花紅 核桃 櫻

桃 葡萄 石榴 柿 無花果 菱角 文官果

東 羊棗 錦荔枝 香芋 甜子 落花生 申涵光集洛中

種橘皆成實香櫟亦成樹附識以資譚助

蔬類

菘菜 芥 蔓菁 葱 韭 蒜 芹 茗 蓬 蒿 苣

茄 芫荽 苘蒿 馬齒莧 蘿蔔 胡蘿蔔 山藥

藕 眉豆 豇豆 黃花菜 蒲筍 甘螺 銀條菜

丁香茄 刀豆 菁菜 薺菜 苦菜 刺芭 苻菜

辣菜

瓜類

王瓜 西瓜 甜瓜 南瓜 東瓜 北瓜 菜瓜

絲瓜 葫蘆 瓠

木類

松 柏 檜

桑

同治九年十一月知縣錢敏購桑秧三百八十一株發舊業蠶桑之四十

六村莊分領栽種

椿

樗

榆

槐

柳

青楊

白楊

桐 棠

楸 棟

冬青

楮

荆 椒

阜茨

杞

竹

貨類

棉花

絲 絹 布

麻

靛

煤

炭

紅花紙

黃者

以稻草結抄之白者以桑皮抄之

白善土

硝

花類

迎春

牡丹

芍藥

海棠

薔薇

荼蘼

月季

木槿

碧桃

玫瑰

刺梅

丁香

紫荊

棠棣

芙蓉

萱 葵

玉簪

百日紅

水紅

牽牛

菊

雞冠

金雀

秋海棠

芭蕉

櫻

凌霄

藤 馬

纓 茨 蒺

欒 枝

剪 紅 羅

夾 竹 桃

探 春

寶 相

纓 絡

草類

藍

苜 蓿

蘆 葦

流 星 草

馬 蘭

稗

蒲

水 藻

藥類

鉉 精 石

枸 杞

申涵光集郡城南面陰地葉長而實甘甘州種也生于城半故樵採不及斫植

盆中 輒活 防風 地黄 香附米 車前子 兔絲子

凝水石 蓖麻子 薄荷 半夏 蒺藜 茴香 地

錦 地丁 白芥子 旱蓮草 金銀花 浮萍

陸薰香 鳳眼草 蛇床子 天仙子 益母草 地

骨皮 遠麥 蒼耳 夏枯草 薏苡仁 桑白皮

羊躑根 瓜萑 班蝥 艾

鱗類

魚鯉 鯽 鮒 鮓 鱖 鱣 鱔 鱧 鱨 鱩 鱪 鱭 鱮 鱯 鱰 鱱 鱬 鱷 鱸 鱨 鱩 鱪 鱭 鱮 鱯 鱰 鱱 鱬 鱷 鱸 鼈 蝦 蜂 田螺 蝦蟆無疥

者名 青雞 鱗七星白條數種 懈瘦不堪食 河鮑問有之士人無敢食者

羽類

鶯 鴨 雞 鴿 鴉 雁 燕 鳩 鷹 兔虎

鷓 鵲 雉 鸛 鴟 鵬 鶉 鶻 蠟嘴 黃鸝 鷺

鶯 畫蠟 黃雀 孤汀 鴛鴦 啄木 麻野鵲

翠雀 葦喳 鳧 大甲 麻料 紅料 瓦雀 沙


雞 鳩 布穀 鵲 鵲 淘河 魚鷹 鷓鴣 麥甲

槐甲

獸類

馬 牛 猪 羊 驢 羸 犬 猫 兔 貍 狐

麀



永安縣志卷十九

知縣事江陰夏詒鈺續編

祥異志

前邑令孔廣棟曰郡邑志祥異五行之支緒也在國史
隔于時地慮其不詳在郡邑騫於見聞虞其不謹夫歲
有豐歉人有慘舒祥異之徵宜莫逾此星日之變既不
專于僻隅草木之妖未必盡關人事自非如神之哲無
妨存而不論詎前史不必盡核其真後人且以更益其
誕巫覡之族抵掌而說風雷闐闐之夫當衢而譚天象
日翳霧霾強事推原甘露靈芝半由造作民志用惑訛

言滋興風俗之憂職此爲甚薦紳喜于紀載不復擇持
母亦未之思耶茲爲考據史編期與邑事相比迹涉迂
幻罔敢率登云

周烈王三年趙六月雨雪

赧王三十八年趙大疫

趙惠文王十八年大潦漳水溢 二十七年河水出大
潦

趙幽繆王六年大饑民訛言曰趙爲號秦爲笑以爲不
信視地之生毛

漢始元元年秋七月廣平大雨至冬十月止

新莽天鳳二年邯鄲以北大雨水出深者數丈流殺數
千人

漢永興七年趙國易陽地裂

永元十六年四月客星從紫宮西行至昴五月壬申滅
熹平六年廣平大旱蝗

初平四年冬十月廣平地震

魏景初元年秋九月冀兗徐豫四州皆水

正始九年彗星見昴

晉泰始五年夏五月廣平大風折木

咸和五年雨雹起西河至廣平積平地三尺沓下丈餘

行人禽獸死者萬數樹木摧折禾稼蕩然

咸寧四年秋七月廣平大水傷禾 五年夏六月廣平

雨雹噴霜傷禾

北魏天平四年廣平郡水連理

北齊天保七年廣平清河二郡各蝕滂損田

唐建中元年洺州大水

元和十二年洺州大水平地三尺

宋建隆二年漳水決注洺州城水深二丈

乾德四年洺州嘉禾一莖三蕙

興國四年洺州獻嘉禾

咸平二年洺州嘉禾合穗

天禧四年洺州蝗

天聖五年洺州蝗

治平元年洺州旱 二年漳水注洺州城溺民居 三

年春三月彗見于昴如太白長丈有五尺

熙寧十年洺州漳河決注城水深二丈

元豐四年洺水溢壞城郭軍營 七年洺州大水河溢

壞民田舍蠲其租

紹聖元年冬十二月漳河溢侵洺州

淳祐十一年太白犯昴

寶祐元年夏五月熒惑歲星合在昴

金明昌四年洺州野蠶成繭

元中統四年洺州旱

至元元年夏太陰犯昴洺州大水 二年永年廣平洺

州饑人相食 三年洺州蝗 九年洺州霖雨河水溢

圯廬舍害稼 十四年永年水免田租 十七年永年

水給鈔貸之

大德元年廣平路饑 六年廣平路大水

泰定元年大雨五十日洺水溢清河廣平永年饑 三

年廣平路蝗

致和元年廣平旱屬縣大雨雹

至正八年永年感縣蝗人相食 十七年暑雨漳河溢

廣平郡縣皆水

明洪武十年秋七月北平入府大水

永樂十三年水壞廬舍沒田禾 十四年畿內蝗

宣德九年兩畿蝗蝻覆地尺許害稼 十年四月兩京

蝗蝻傷稼

正統五年夏蝗 六年蝗 七年蝗 八年蝗

景泰七年夏五月畿內蝗蝻延蔓六月水

成化六年大水 十四年秋七月水 二十一年旱

宏治二年水 三年蝗 七年蝗

正德二年廣平郡縣冬夜大雪壅戶塞街行者不通

六年滏洛河溢浸府城壞田稼

嘉靖二年春黑風晝晦樹鳥伏地列炬無光踰時止

七年旱蝗 八年夏大旱 九年秋七月十二日洛滏

河溢潰城隄傷禾稼千餘頃 十五年夏大雨壞廬舍

傷禾稼冬十月星隕如雨 十八年臨洛鎮行宮火

三十四年冬十二月地震如雷 三十八年旱 三十

九年大旱 四十一年夏四月大風三日塵霾蔽天闔

戶舉火兵刃爲光 四十二年秋大雨河水溢平地高

丈餘城不浸者數版

萬曆六年夏霖雨大水 十三年旱大饑 十九年蝗

二十年水 二十五年雨雹傷禾 二十七年大風晝

晦星隕有聲如雷 三十一年五月漳滏沙河並溢決

堤橫流 三十七年蝗又大水滏河決 四十一年春

三月大雨雹積地三寸 四十二年地震 四十三年

春夏不雨縣屬劉營村地裂五丈深無底 四十五年

蝗 四十六年蝗 四十七年春二月大風霾日無光

秋九月黑風晝晦天鼓鳴 四十八年春三月大風霾

白晝如夜永年見兩頭兒

府志二十六年金芝產府學明倫堂梁木四十二年甘露

降又天啟元年盧氏園中產紫赤芝四年劉氏園中產芝按舊志甘露芝草皆削而不書義見篇首序中說理精確茲遵用其例仍附注于後以爲本邑譚助亦並行而不悖也

天啟六年夏六月地大震蝗傷禾閏月大雨漳滏洛河俱決沒稻田七百餘頃 七年蝗

崇禎元年大風雨晝晦 三年夏五月大雨雹六月黑風拔木 五年春正月朔黃塵四塞 六年冬十二月晦大雷電 八年春三月朔黃塵四塞 十一年蝗

十二年元夜鳴雷夏旱蝗草盡皆集于樹樹爲之枯地裂于北汪村 十三年大饑人相食四關村鎮設廠賑粥土寇起民皆城守露宿大風兵刃旗幟生光 十四

年大饑疫人相食 十五年大旱饑石生毛 十六年疫黑氣繞城兵刃有光

國朝順治二年夏六月大水 五年夏六月大水 十一年夏六月大水秋八月地震是歲饑 十三年春三月初五日暴風大作拔木壞屋吹倒城堞數處夜噴霜夏五月大雨雹 十五年饑賑恤在國朝者詳田賦志

康熙元年秋淫雨連月冬十一月二十一日地震有聲 六年九月二十三日地震 七年夏五月初十日夜空

中有火如毬墜西南毬後光蜿蜒如龍白氣隨之秋大水堤決城下水高五尺餘冬大寒井有凍者 十年旱

夏多暵死者秋蟲害稼 十七年春正月雨水月餘乃止 十八年秋大雨水洩漳河溢壞民廬無數

二十三年大旱飛蝗蔽天無禾 二十四年大熟斗米

銀八分 二十八年夏旱 三十年夏四月疫 四十

二年大饑 四十三年大熟 四十五年夏五月洩水

溢 四十七年秋地震十餘日乃止壞民廬無算 六

十年秋七月大雨雹 六十一年饑

雍正二年大熟 八年大水

乾隆七年夏旱傷麥 五十四年旱饑 五十七年大

旱饑民以蒺藜樹皮爲糧 五十九年春夏大旱六月

大霖雨洩水溢決西堤滄水溢決南堤水盈郭內四關樓屋俱壞浸城三分之二秋禾傷民饑 六十年城西有獸如狼傷人甚多

嘉慶二年夏六月大霖雨 四年大熟 六年夏六月

大雷雨洩水溢秋七月地震如雷 八年春三月大雨

雹平地積六七寸行人有凍死者 十一年旱饑 十

三年夏六月大風雷雨樹木盡拔冬十月大雪壓折樹

枝甚多 十六年春夏旱 十七年春正月十七日大

風塵霾蔽日二日乃止春夏大旱地盡赤饑 十八年

春夏大旱井水涸六月雨蟻大者如錢秋八月大霖雨

無禾饑 十九年春大旱民以蒺藜樹皮為食秋大熟

疫 二十年秋大熟民多病店九月有鼠異晝出不畏

人猫亦不捕食城西有獸如狼傷人甚多 二十二年

秋旱傷禾 二十三年夏四月霜傷麥六月大雷雨城

西北新莊村震斃一人 二十四年秋七月地震 二

十五年夏大雨水冬大雪

道光二年夏五月霖雨洺滏水溢秋大熟 三年秋大

雨洺水溢 五年夏六月雨雹秋八月蝗傷麥苗 六

年春旱 二月二十九日黑風蔽日晝晦三月二十二

日黑風如前 九年大熟 十年夏四月二十二日地

震如雷二十九日大雨洺水溢漂麥 十一年春夏旱

冬十二月大雪井水皆冰 十二年夏五月雨雹樹多

拔秋大熟 十四年夏五月地震六月大雨洺水溢決

西堤數十丈水盈郊內壞民廬無算浸城三分之二

十五年旱饑 十七年大旱無禾民饑 十九年歲熟

二十二年旱 二十四年歲熟 二十五年夏四月赤

風蔽日大旱民饑 二十六年春三月西南鄉野田中



夜有火光如巨燭逾月乃止 二十七年大旱饑 二



十九年春二月地震有聲

咸豐元年秋七月大雨雹傷禾拔樹無算 二年春正

月二十日地震有聲夏五月西陽城村雷震斃一人
 三年春正月二十日天赤如血日無光雨土 六年秋
 七月蝗 七年夏六月蝗無禾饑 九年春旱夏五月
 西鄉棉花生蟲傷十之七六月雷震死睢甯村石姓不
 孝子 十一年春胡蝶飛蔽天三日
 同治元年夏五月蝻生 二年夏六月初一日夜有火
 毬大如盤自西南來至城北曲陌寨燬義勇局聲聞四
 十里斃三人受傷者甚眾 四年春正月十三日大雷
 電雨雪平地數尺夏大旱無禾饑 八年旱 九年夏
 六月大風雷電雨雹樹多拔屋瓦皆震 十三年三月

二十一日雨雹二十三日夜考棚街失火傷三人燬蓆
 棚百餘間





秀全集

卷之十九

九

